

SAKSPAPIR

Saksnr	Utval	Type	Dato
070/21	Formannskapet	PS	06.10.2021
065/21	Heradsstyret	PS	13.10.2021

Saksbehandlar	ArkivsakID
Runar Ludvigsen	20/161

Utviding av IKT Nordhordland kommunalt oppgåvefellesskap

Vedlegg:

Protokoll frå representantskapsmøte - saksgrunnlag for kommunal handsaming

Protokoll representantskap IKTNH 03092021

Rådmannen sitt framlegg til vedtak:

1. Osterøy kommune vedtar at **IKT Nordhordland kommunalt oppgåvefellesskap** vert utvida med Aurland kommune.
2. Osterøy kommune vedtar samarbeidsavtalen for **IKT Nordhordland kommunalt oppgåvefellesskap** slik den ligg føre.

Formannskapet - 070/21

FS - behandling:

AVRØYSTING:

Rådmannen sitt framlegg vart samrøystes vedteke

FS - vedtak:

Osterøy kommune vedtar at IKT Nordhordland kommunalt oppgåvefellesskap vert utvida med Aurland kommune.

Osterøy kommune vedtar samarbeidsavtalen for IKT Nordhordland kommunalt oppgåvefellesskap slik den ligg føre.

Saksopplysningar:

Sak :

- **Utviding av IKT Nordhordland kommunalt oppgåvefellesskap med Aurland kommune**
- **Endring av samarbeidsavtalen for IKT Nordhordland kommunalt oppgåvefellesskap**

Saksopplysningar:

Aurland kommune har hatt som mål å få til ei IKT-drift- og digitaliseringsutvikling i tråd med stadig aukande nasjonale og lokale forventningar. Kommunen ønskte å etablere eit meir føremålstenleg IKT-samarbeid for kommunen, der dei kunne oppnå høgare satsing på digitalisering og betre tenester knytt til IKT-drift. Målsetninga for Aurland kommune er å få så god og profesjonell drift som mogeleg.

Aurland kommune evaluerte fleire ulike IKT-samarbeid. I hovudsak skilte IKT Nordhordland seg ut i forhold til ein gjennomarbeidd styringsmodell med særskilt satsing innafor Digitalisering og innovasjon, i tillegg til dei gode tenestene knytt til IKTNH. Det vart og lagt vekt på det nære samarbeidet med Digi Vestland.

Aurland har sidan 2020 hatt ei stor prosjektgruppe som har jobba med kartlegging og utarbeiding av sakspapir for å komme fram til ei riktig beslutning.

Aurland kommune har i utgreiinga si kome fram til at dei ønskjer å samarbeida med IKTNH. Både i formannskapet og kommunestyret har rådmannen sin tilråding vore einstemmig godkjent.

1. Tilråding frå rådmannen: Aurland kommune trer ut av ÅLA-samarbeidet innan IKT 31.12.2021, jamfør KS-058/11.

2. Rådmannen får mynde til å utarbeide avtale med IKTNH.

3. Avtalen vert lagt fram for godkjenning i formannskapet 10. juni og kommunestyret 17. juni 2021.

4. Det blir sett av kr. 500.000,- til overgangskostnader og naudsynte investeringar.

5. Investeringane blir finansiert ved omdisponeringar på investeringsbudsjettet, og blir lagt fram i samband med handsaminga av 1. tertial 2021.

Basert på Aurland kommune sitt klære ønskje om deltaking i IKTNH-samarbeidet, har IKTNH og DIR/NUI greidd ut nærare detaljar kring eit slikt samarbeid. Utgreiinga konkluderer med at ei slik utviding vil vera gunstig både for Aurland kommune, IKTNH og DIR, og har følgjande tilråding: *Ei utviding vil medføre betre utnytting av kapasitet og kompetanse i IKTNH. Dette vil frigjera økonomiske ressursar som kan styrkje utviklinga av betre tenester og arbeidsprosessar. Dette gir stort potensiale for gevinstrealisering i tenesteproduksjon og innbyggjardialog.*

Prosjektet rår difor til at dei auka økonomiske ressursane vert nytta til å styrke innsatsen inn mot Digitalisering og Innovasjon sine behov i forbindelse med å utvikle fleire tenester, samt å auke servicegraden til dei eksisterande kommunane.

Endring av samarbeidsavtalen

Aurland kommune vert deltakar i § 19 samarbeidet på lik linje med dei noverande kommunane i samarbeidet. Dette medfører ei utviding av oppgåvefellesskapet og endring av samarbeidsavtalen. Styret i IKTNH har handsama den nye samarbeidsavtalen, og den er godkjent av representantskapet i IKTNH. Kommunestyra i alle deltakarkommunane, medrekna Aurland kommune, må godkjenna den nye samarbeidsavtalen før den vert gjeldande.

Konklusjon

Saka vart lagt fram for formannskapet for handsaming og innstilling til heradsstyret.